

南通縣鄉土志

全

2020.12.8
541

2020.12.8
54

南通縣鄉土誌編輯大意

一本編專供本縣初等小學三四學年教授之用每學年四十週兩學年凡八十週週各一時計八十八時本編只七十四課每課一時所餘時間可施行校外教授

一本縣分二十一市鄉本編首南通市次唐爐市次平潮市次其他各市鄉由近及遠各校採用以校所在市鄉為主位宜臨時變通

一本編外別製南通縣全圖及二十一市鄉暗射圖各一幅以謀教授之便利

一本編材料或取通志或據調查總以接近兒童之生活及道德為主

一每課多至一百字取便於兒童記憶

一本編實質及形式兩方面不完全處處實多各校採用須參酌訂正并求以對於本書改良之意見見示

卡明西 5/1
458

南通縣鄉土誌目錄

南通市

風俗

五山

縣城

學校林

王藻

藥材

夏陽

道路

唐橋市

江堤

紗廠

局所

油廠

鹽倉橋

棉

工廠

鐵廠絲廠麵廠及小輪公司

天生港

楊錦文

平潮市

巾帶

錢柏

觀永市

蘿菔

史立模

白蒲鄉

甘薯

沈猷

競化市

黃芽菜

沈慶均

劉橋市

桑麻

四安市

西亭市

興仁鄉

竹葉石

徐景雲

三樂鄉

騎岸鄉

鑿河

墾荒

豆

麋

餘西市

石港市

曹頂

二賢祠

曹為拔

衛生靴

餘中鄉

金沙市

東漸書院

王兆芳

羊鬚菜

工廠

三益鄉

邢白山

沿革

餘東市

運河

蛤蜊

續

呂西市

續

鹽業公司

堤

彭鼎

倭患始末

墾牧鄉

墾牧公司

劉海沙鄉

顧岐

南通市

南通市居縣之西南縣城在焉東至陸洪湖界興仁鄉觀永市競化市北至秦灶界唐場市四安市西與南均臨江江之南有大成沙琅陽沙鐵板沙全市面積四百七十方里人口則十一萬三千餘

五山

本市五山以狼山為主其西北為黃泥山馬鞍山東南為劍山軍山狼山馬鞍山劍山所產多為砂石軍山黃泥山多泥岩粘土則五山均有焉有明以前五山尚在江心前清之初沙灘漸漲乃環立於陸

學校林

林木之中最有用者為桐柏松柏五山材木向本稀少前清光緒三十一年師範學校相其土之所宜栽植各種秧苗名曰學校林近更添設苗圃凡烏桕油桐等均已播種蓋為五山移植之預備也

道路

路政本地方自治之一本市馬路之築始自山路自南街盡處至狼山脚計長一千七百八十二丈寬二丈路旁栽以楊柳每丈一株其後西馬路繼之近日工築者為西望江樓至通濟橋之路完成之後其便



利當較前百倍也

藥材

五山藥材以狼山軍山為最多其產於狼山者有茵陳葛根山豆根產於軍山者有何首烏射干青木香他如馬鞍山則有藥草灣在仙女洞之右其產生之藥亦復不少秋冬之季採藥者多藉以為生亦利源之一也

江隄

江隄之築起議於前清宣統三年而實行於民國元年所築之隄面廣二丈根廣六丈高一丈二尺自本市之任家港至唐牯市之天生港共長七千四百丈隄成後偶有風潮固可藉此以為捍禦也

局所

南通市局所較他處為多有關於教育者有關於慈善者有關於政治者其最著則為縣行政署署中分三科第一科名總務科理機要事件及不屬他科事第二科名主計科理財政事宜第三科名學務科理學務及實業行政事宜

鹽倉牯

本縣水利莫過於江得江之利莫過於牯鹽倉牯亦

其一也前清乾隆間王公景獻重建於前而時勢變遷牆外灘淤越數十年而有張曦照者復行修築自是之後旱則引江以納水潦則恃江以洩水二公之力也

縣城

縣城居本市之中心周六里七十步高一丈九尺門三西南甕城各三重東再重內立盤詰廳城上設有戍樓蓋為防敵計也今則專用炮火雖金城亦不可恃有提議拆城者當亦革新家所允許也

工廠

本市工廠除繅絲外則為織布織布廠有三一名達華一名民生一名集成三廠織機共百餘所出之布曰絲光曰花紋曰愛國其他則有被面此為抵制外貨者至貧民工廠則為慈善事業現房屋告成各項工徒亦均滿額矣

風俗

本市風俗較他市鄉為奢故婚喪之禮多喜鋪張外觀致本意盡失市中營業惟洋貨號及茶館酒肆頗見發達而賭博之事又時有所聞近通俗教育社雖已成立改良風俗亦不過影响耳

夏陽

夏陽字國輝世業石工日不知書而至性純孝母卒後陽寢則抱父足冬則溫其滌器於懷如是者十餘年其子以小忿為其弟毆至斃陽恚傷父志含淚不置一言人以為難

王藻

王藻字燕錫其父業賈篤好文學藻承父志卒成進士藻生平大績有四一建萬壽宮尊君也二創豐裕倉便民也三創集會費恤士也尤可嘉者則粵匪之亂招集團練保全鄉閭是

唐牖市

唐牖市居縣之西東北界四安市劉橋市南界南通市西北界平潮市西臨江對江為劉海沙鄉面積二百三十方里人口則五萬一千三百餘本市跨河東西者大橋一其建築法為他市鄉所無誠巨觀也

紗廠

大生廠發起於清光緒二十一年開車於二十五年自開車至今無一年無餘利其獲利之故一因棉產自通一因本市介內河外江之間交通較便本年年布廠開工將來由花而紗由紗而布獲利當亦較多也

油廠

廣生廠就大生棉子之便故附近於紗廠所出之油可為製鹼及烹調之用所製之餅可以肥田至其棉殼則又可供燃料清宣統間因開辦之後簿有盈餘復又添加資本另製新機以圖營業之發達云

棉

棉為南通縣之特產而歸宿於本市棉之葉頂有三尖或五尖不等葉柄底有托葉花黃色花冠五瓣實如桃俗稱棉桃熟而裂開絲以織布製衣實人生必需之要品通產之棉力韌絲長冠絕亞洲故業農者咸於此注意焉

鐵廠絲廠麵廠及小輪公司

鐵廠者為修理各廠機械之輔助而兼製農工諸器也絲廠者購銷通境之繭以織通綢通縐也麵廠之麵近來製食品者取其色白多沿用之至小輪公司所有汽船西則由本市至揚州東則由本市至呂四開行之後行旅固無不稱便也

天生港

天生港南濱天江北達內河一水可通進出貨物為類甚繁清光緒三十二年部准開闢商埠現已建築

碼頭置有躉船兩號客商上下物料起卸均免風濤之險異日三公司輪船全行停泊則利權可永保而商業亦愈開通矣

平潮市

平潮市舊為三十里鎮南臨大江西界如皋縣境東北界白蒲鄉劉橋市唐臨市全市面積三百七十方里人口則六萬一千四百餘市之人多業花紗布而久於織帶者頗具有各種花樣此亦其專長也

錢柏

錢柏字晉喬幼就塾端重若成人攻苦積學卒成舉人郡守呂燕胎同年生也蒞任不一謁招之終弗往里中奉為模範清乾隆間以中板橋屢修易壞議故為石因阻於訟而不果今日者石枕隆然蓋亦後之人成公之志耳

蘿菔

蘿菔特別之處在根故又名大根其花白稍帶紫色瓣四枚成十字形葉脈為網狀果實長莢內藏多數之褐色種子子可製油亦可入藥本產出甚多秋冬間販賣於他市鄉或生食或者煮食或醃食一聽人之自便耳

白蒲鄉

白蒲鄉居縣之北南界平潮市西與北均界如皋縣東界劉橋市面積二百方里人口則三萬五千餘其鎮市在本縣之極北故大橋以南為通境大橋以北即為如境凡事業之舉辦時或因此而掣肘焉

沈猷

沈猷字尊彝有至性事繼母以孝聞生平好推解鄉中貧乏者賙恤之無德色一日行於途衣為鄉人污其人長跪請罪笑遣之著家言八則以誠子孫其子如歧岱等多以通顯著亦得力於庭訓也卒時年九十有二

黃芽菜

黃芽菜一名菘以心初吐時微帶黃色故名黃芽菜葉長尺許扁而薄色青白有縐紋煮而食之脆美無渣滓佳品也本市業農者於秋間下種俟葉稍多時則以草繩束其上部使不散亂冬臘之際銷售於各處者為數亦甚鉅也

劉橋市

劉橋市介白蒲鄉與四安市之間北與如皋接壤西南界唐橋市平潮市面積四百方里人口則八萬三

千一百餘本市河流成斜十字形交通便利故金沙西亭等處花市運銷各地者多取道於此

四安市

四安市居劉橋市之東西南界唐埔市與南通市東界石巷市及西亭市北界如皋面積二百六十方里人口則五萬二千九百餘本市鎮市三一為關家庵一為陳酒店一為橫港貿易品以花布糧食為多

興仁鄉

興仁鄉居本縣之東北界西亭市南界觀永市面積七十方里人口則二萬三千七百餘本市舊有文昌宮春秋上下籍靜海者多於此行禮雖曰迷信之一然其注重文化去古鄉校之意固猶未遠也

楊錦文

楊錦文字質甫諸生也海門縣既廢居永安鎮者戶口僅十之三鎮去治南二十四里在今三圩鎮小海鎮之間時尚近江錦文乃售其產與史鴻業擇徐澗渡田百二十畝率邑人居焉即今之興仁鄉也其義行如此

中帶

本市居民之職業布之外則為中帶所織之中名高

籠巾較現用毛巾堅厚而耐久至帶則種類不一約舉之可分三等上等者名加濶中等者名定機下等者名杭坯每年城市商家來此收買復染成各色其銷甚實非少數也

觀永市

觀永市居興仁鄉之南東北界金沙市及三樂鄉南界競化市西界南通市面積二百二十方里人口則五萬餘本市田土有民有沙鎮以西為民田東南即為沙田其居民之業農者或稻或棉亦遂確分界限焉

史立模

本市太平寺為舊觀音山寺寺內奉安宋丞相文文山先生神位歲月遞更竟歸烏有明嘉靖間判官史立模憂之為建祠及忠義門一座中乃肖公像供奉如前表忠彰義翼正闢邪立模之志也今日者遺像巍然市之人固猶有敬而拜之者

甘薯

甘薯俗名番芋根肥大本末皆銳貯藏養料可生食可熟食且能切片晒乾久儲以當米穀花為淡紫色如漏斗形莖為軟蔓匍匐地上不能上昇此物產於

本市者極多每年冬季購買者不絕如縷故三圩鎮幾成薯市

競化市

競化市為舊之姜灶港川港張芝山小海竹行五鎮地南界海門北界三樂鄉及觀永市面積四百六十方里人口則十二萬五千餘本市向係海難近雖漸成村落而古蹟則僅有費孝子祠一祠建於清嘉慶間蓋以風俗也

沈燮均

沈燮均字敬夫海門人居本市姜灶港為人堅忍誠樸當大生嚴甫開車時款支絀厥之人相顧失色獨先生贊助無退志其營業之法嘗言世以偽我以誠當不失敗每外出見業師墓必下車遙拜過墓後回顧數次乃敢上車古道可風如此

桑麻

桑麻乃本市特產桑為喬木葉邊有鋸齒可飼蠶果實長而圓熟則呈紫黑色味甘可食且可釀酒大麻葉對生舒展如掌其莖外裹強皮含有纖維性韌而長可辟為絲細者織布粗者絢繩本市每年蠶市約數十萬業繩者亦十戶而六七焉

西亭市

西亭市居縣之東北南界金沙北界騎岸西界四安面積三百方里人口七萬零四百餘本市之田分二種一曰灶一曰民民田多沙質土壤及粘質土壤宜稻宜棉亦宜麥灶田鹹而劣不宜於稻其河流作丁字形農民資灌溉焉

竹葉石

本市天竺山寺有竹葉石二以上有紋如竹葉故名竹葉石其一經博物院之徵求乃陳列苑中其一仍置山寺內縱二尺橫一尺色黃精緻天然之二石不知產自何處但聞父老相傳謂若之成也適合有一種植物而石面遂現出其形狀此固足以資博物家之研究也

徐景雲

徐景雲字晴巖本市灰場邊人也先生聲望素著於鄉清光緒乙巳地方促開辦初等小學先生毅然引為己任時仇學者眾譏詈頻興先生不為之動越二年擬設高等小學而先生心力交瘁有志未逮卒以病終於其家云

騎岸鄉

騎岸鄉居縣之東北西北均界石港南界西亭面積一百七十方里人口二萬四千餘范公堤自北而南貫穿本鄉全境本鄉市肆復自西而東與堤成十字相交形猶人之騎馬然騎岸之名蓋即由此

墾荒

宋元之時本鄉僅一片海灘耳故其地多含鹽質後經人工之變化漸成沃壤而居民亦遂由草萊而五穀民國初年民人本開放主義又於本鄉東北境墾沙地一其地縱橫約三里舊為牛羊牧場今則棉稻皆宜獲利益矣

麀

麀生於本鄉草叢中本廠屬故形似小麻毛灰色口有長牙一對老則牙見於外人又謂之牙麀之性喜文采獵人舞采則麀即注視獵人乃乘其隙而取之至其效用則惟供食品而已

石港市

石港市亦居縣之東北西北界如皋東南界騎岸西界四安面積四百方里人口五萬五千餘商業以米為最盛姜堰運米船隻絡繹不絕而皆麀集於此市故其地之橋即名米市橋其次於米者則惟魚蓋本

市亦近海之一區也

二賢祠

二賢祠在本市文山清乾隆元年場大使王之正建祀宋魏國公范文正信國公文忠烈先是場之人以范堤之築永無海潮患因建祠於場南太平橋後以文信國公避元兵由賣魚灣渡海忠義之風亘古不滅又建祠於便橋至此乃合祀文山

衛生靴

衛生靴之製發明於本市鄉人其質料為雞毛與蘆花二種其製法則混合雞毛蘆花組織之價值甚賤而效用頗著隆冬時全縣農民藉此以禦寒者無數至芸香燼雞亦本市特產然止紫頭供品耳不若衛生靴之有用也

金沙市

金沙市居縣之東西北界西亭南界三樂東界餘西面積四百二十方里人口九萬九千餘本市分南北二市運鹽河縱貫其間有東西二橋以利交通商業以土布為大宗運之處為揚子縣及泰縣一帶蓋即通俗所謂縣庄布也

王兆芳

王兆芳字漱六幼孤貧甫成童即有志於實學每出行必觀察道里遠近識輿地大略年二十餘治經史學從定海黃先生遊清光緒辛丑先生由江陰歸授徒於其家既又主講本市霞山精舍所著書有才茲文學則文章釋各一卷均已行世

工廠

遊民工廠者收集無業之游民使之作工以安其生也內容工業甚多屬於竹工者有藤椅網籃屬於革工者有皮鞋皮靴屬於紡織工者有愛國布及各種絲光布近旅商之來往本市者咸樂購之故獲利甚

鉅云

三樂鄉

三樂鄉居縣之東南界競化北界金沙西界觀永東界餘西面積二百一十方里人口四萬六千餘本鄉向近海口偶遇風潮田產毀壞故鄉之人於其西南隅築望海墩以觀海潮今其遺蹟則與望海橋并存焉

鑿河

橫河在本鄉南境清同治間候嘉驥單有寅所開鑿也先是本鄉由海坍變為沙田苦無溝港以資灌溉

二公乃籌集地方費鳩工開掘自此河告竣後北岸
苦燥又開海以通煮灶港進鮮港唐灶港而本鄉之
田遂為良田云

豆

黃豆莖高數尺開白花莢長寸餘含豆二三其初色
青後漸黃為用最大通縣各市鄉均產此豆而以本
鄉為多故業油者常於本鄉販賣運豆油及豆餅以
往他市鄉而他市鄉之人藉為食料或肥田者皆取
給焉

餘西市

餘西市居縣之東東界餘中及餘東西界金沙及三
樂北界如皋南界海門面積六百五十方里人口十
萬零三千餘本市河流多南北向其東西向者除運
鹽河外則有二甲鎮至六甲堤之江沙河故本市商
業不甚旺而多趨於二甲鎮云

曹頂

曹頂本市人也慷慨慕義時以一死自許明嘉靖時
倭寇南通頂應募後臨陣斬倭首數百級三十六年
四月又與倭遇於縣城北五十里自晨至午酣戰不
已適天雨泥淖蹶擊中遂死於難死之日全境人無

不痛哭乃立祠祀之

曹為拔

曹為拔清諸生也時以各場灶戶被苛徵獨上書當道請為清楚并題定加一火耗卒裁陋規十餘萬兩各鹽場頌其德立石碑以為紀念既又建祠於賢林祠西永永祀之先生字秀升素善文詞著有貴園詩集行世

餘中鄉

餘中鄉舊為餘中場在縣治東八十里清雍正十三年裁歸餘西場全鄉面積二百六十方里人口三萬九千餘商業以四場壩為最盛壩當通海要衝為大中公司過機之地水利交通輸運最易每屆棉業暢旺時尤形熱鬧云

東漸書院

東漸書院居本鄉東南之通源鎮清同治間州牧梁悅馨建建設之意以本鄉以東地近海濱解詩書者十不得一乃謀立斯院以促進文化焉自學校興即改為初等小學校近復改為縣立第三高等小學校而以初等校設於院東之東嶽廟云

羊鬚菜

羊鬚菜蓋羊齒植物之一種也全體無莖與葉之區分以其形似羊鬚故名色淺綠其性之喜鹹與本鄉所產菌類之貓兒嘔同產生地在新堤北每當春夏之交鄉人多採之以為食品焉

三益鄉

三益鄉居餘中鄉之東南界海門東北界餘東面積一百八十方里人口三萬九千餘本鄉河流有灰沙河新河均縱貫南北而南接於東西橫行之通海界河鄉人之業農者利於灌溉故所產蔬穀等亦不遜於他市鄉焉

邢白山

邢白山者本鄉居民也家富於資而又能明大義先是本鄉河道短而狹又不時淤塞於輸運頗不便白山憂之乃獨力改修新河并於其河之兩岸創建一鎮以為市場近商業雖未發達而交易之有其地者皆白山之力也

餘東市

餘東市在縣治東百里東界呂四西界餘中南界海門舊產鹽二萬餘引有城曰鳳城明時築以禦倭者今廢惟四門完好成樓尚存面積一千一百五十方

里人口十一萬八千一百餘商業則以鹽店為最盛

蛤蜊

蛤蜊本產於近海地而本市之六甲較他處尤多其名類甚繁有尖蛤文蛤稜蛤大概為鳥所化生其形似蚌而小常群棲於沙灘之上捕之者多割取其肉製為食品其壳可煨為粉而與石灰有同一之效用焉

呂四市

呂四市在縣治東百六十里南界暨牧鄉東東海門西界餘東面積七百三十方里人口五萬七千餘工業則惟呂盛織布廠內容女工二百人左右所出之布概行銷於他市鄉其他居民多以魚鹽為生計云

鹽業公司

本市同仁泰鹽業公司自清光緒癸卯間集合公司購買鹽垣後即具有改良整頓之法凡修葺築場補鐵開港築塘所以助煎丁之利者無不備至改良則租墾牧公司相宜之地築堤治田造釜立灶凡九月而成所製之鹽曾於意天利賽會時得優等獎憑云

彭鼎

彭鼎字小池本市人也為人慷慨好義初擬就本市

設立小學以教本市子弟嗣因病就醫於滬而不果及病篤乃將所有家產一一規畫立遺囑并於牀屏間親為畫押就助公一部言凡通海呂滬共計田三十八萬步住房三大所卒時無嗣年甫三十六

墾牧鄉

墾牧土地分屬南通海門兩縣第一第二第三第四及牧場堤屬通境第五第六第七堤屬海境方里二百戶則六千就通屬地言墾牧公司總辦事處設於第二堤其初等小學則設於第二堤及海復鎮之北岸焉

墾牧公司

墾牧公司創始於清光緒壬寅經十年而七隄隄工成中間風潮之變乙巳丁未後即為甲寅而在事人則仍有進無退公司田約八萬畝已墾者計二分之一最近帳略存款共六十九萬餘兩往年每股人圖目前之利已議決分田以保股息焉

劉海沙鄉

劉海沙鄉係新闢地孤立江中與南通唐牯平潮三市為一江之隔面積一百八千方里人口則二萬四千餘居民職業多屬農而農產物亦為棉稻豆麥四

大宗近年以就學兒童於渡江不便故鄉之人頗注
力於小學焉

顧岐

顧岐字飛雄劉海沙開闢之祖也先是沙灘甫漲時
與常陰沙僅隔一常通港故江陰金某常熟錢某咸
來圍築岐以武力相爭獲勝利時鄉之人乃有劉海
戲金錢之謠土地權屬南通現本鄉城隍廟尚塑有
岐像以誌不忘云

沿革

通州自建置以來均隸揚州府明初以州治靜海乃
省靜海縣迄乎前清以海門圯於海又省海門縣雍
正中升為直隸州撥揚州府之泰興泰州之如皋二
縣屬之民國革新復易今名

運河

運河漢吳王濞鑿河通道以運海鹽也自揚州茱萸
灣東流經泰州如皋南流七十里至白蒲鎮西亭埭
入境再南歷平潮鎮雲台山折東流經運河口唐家
橋十里坊端平橋鹽倉橋稍北經起鳳橋入濠河

續

自濠河東南流經三元橋又東經龍津橋北流經瑞

芝橋關家庵又東經西亭達金沙餘西餘東呂四諸
鹽場凡行百九十餘里五場商鹽昔藉輸運支河民
田令賴灌溉其吾通水利最為重要者歟

續

自濠河北流則經黃泥口秦灶許家環丁湖店西北
流至南北劉橋鎮而東北達石港與串場河相接其
自瑞芝橋東流則經新地鎖場達金沙自關家菴則
經陳酒店達石港

堤

東北諸鹽場地曩近海岸潮汐汎濫恒苦為災而卒
無大患有堤為之障也堤有三一范公堤起鹽城縣
止餘西長一百四十三里宋范仲淹築一沈公堤起
餘西范公堤止呂四海神廟長七十里宋海門知縣
沈起築一新堤在范公堤北明海門知縣姜天麒築
倭患始末

明時倭人乘潮內犯沿邊劫掠而東南適當其衝吾
通倭患與有明三百年相終始始成祖永樂二年尤
莫烈於嘉靖時代幾於無歲不至人民財物剝劫一
空倭沒寶吾通之巨創也



中國書店標價表

冊數	定價
1	51